



KEMENTERIAN PERPADUAN NEGARA

## SIARAN MEDIA

### JALINAN PERPADUAN MELALUI PERAYAAN

---

**PUTRAJAYA, 24 APRIL 2024** – Kementerian Perpaduan Negara (KPN) menjunjung kasih atas keberangkatan Kebawah Duli Yang Maha Mulia Seri Paduka Baginda Yang di-Pertuan Agong, Sultan Ibrahim atas limpah perkenan berangkat bercemar duli ke Majlis Sulaman Kasih Aidilfitri, KPN di Dewan Damar Sari, Presint 1, Putrajaya hari ini.

Turut hadir YAB Dato' Seri Anwar Ibrahim, Perdana Menteri diiringi Menteri-menteri Kabinet. Keberangkatan Seri Paduka Baginda Yang di-Pertuan Agong ke majlis ini bertujuan untuk **berkongsi hasrat dan harapan Baginda dan kepimpinan Kerajaan dalam memperkasa agenda perpaduan negara.**

Bertemakan **Perpaduan Melalui Perayaan**, sambutan ini diadakan sebagai platform kepada warga KPN, jabatan dan agensi untuk **berkumpul dengan semangat perpaduan dalam suasana harmoni bagi meraikan perayaan Aidilfitri.** YB Datuk Aaron Ago Dagang, Menteri Perpaduan Negara berkata, “Kehadiran Baginda dan pemimpin tertinggi negara ini adalah sebagai **tanda sokongan padu terhadap KPN dalam usahanya memartabatkan agenda perpaduan di negara ini serta kesungguhan kerajaan dalam memupuk semangat perpaduan dan kesepaduan dalam kalangan rakyat berbilang kaum dan agama**”.

Seri Paduka Baginda turut berkenan berkongsi hasrat dan harapan berhubung kepimpinan Kerajaan dalam memperkasakan perpaduan dalam kalangan rakyat Malaysia sebagai **asas kestabilan dan pembangunan negara yang mampan.** KPN akan terus menggandakan usaha untuk memelihara keharmonian dan keamanan di negara ini serta menjadikan semangat muhibah sebagai tunjang kepada kemajuan Malaysia.

**Kementerian Perpaduan Negara**

24 April 2024

---

Dikeluarkan oleh:- Unit Komunikasi Korporat  
b.p.: Ketua Setiausaha  
Kementerian Perpaduan Negara  
Tel: +603 8091 8041 | Fax: +603 8888 8568 569  
E-mel: pro@perpaduan.gov.my